

# Käny

## Athör yith lëk yin të bîn wëu ya njëc muök thîn

### Yenjö ye cöl käny?

Käny ë rot looi të cîn wëu deen/nyaaï wulë da biil kënh tääu piny

### Ala käny yic këdï?

Të cîn wëu deen/nyaaï tënë raan kɔc dën wëu (kɔc kɔc gäm wëu) kä yin ade guöp käny. Kek awëu ba ke dhiel dhuök ciëen ku wëu kök wën cï mat këthook cïmen mäktäb.

Käny aye kuat këwën kënë yin wëu ke tääu piny. Kënë alëu bi ya biil kärba, biil telepun mobaaldu, wulë biil intënet.

Ade käk lëu ba ke looi na da kë nuan yïin të bînë känydu cɔɔl ciëen thîn.

- ▶ Them ba kuat kë ba lëu ya tääu piny
- ▶ Yuöp raan cîn wëu deen thîn ku yin ade kë jör/nuan yin alɔɔ tëüu piny ë kënydu yic
- ▶ Wic kuɔɔny tënë akutnhom kɔc gäm kuɔɔny alɔɔ wëu abec lëu bik yin kony të bînë käny duɔɔn kënë luci thîn.

### Muk yï nhom

- ▶ Käny awëu ca deen/tɔ yï guöp ku awic ba ke dhiel dhuök ciëen
- ▶ Yin abi dhiel cɔɔl lukic na cï kënyduɔɔn cɔɔl ciëen
- ▶ Na cï kënyduɔɔn kënë cɔɔl ciëen, ka alëu ba wëu juëc tääu piny.

### Tëwën bi yin kuɔɔny yök thîn ku wël juëc kök

Na nɔɔn kä jöör yin ë muɔɔk wëuku yic, cöl akutnhom kɔc gäm abec ë nïmra kënë yic 1800 007 007 (tök, bët, gueu, gueu, gueu, gueu, dhorou, gueu, gueu, dhorou).

Tënë alɔɔ wën bînë wël juëc yök thîn tënë akutnhom kɔc gäm kuɔɔny alɔɔ käny, nem ñiëc piëeth wëu tɔ thiolnyin kënë yic [www.moneysmart.gov.au](http://www.moneysmart.gov.au), wulë cöl 1300 300 630 (tök, diäk, gueu, gueu, diäk, gueu, gueu, dhetem, diäk, gueu).



### Liwiith aci känyke cɔɔl ciëen në kuredit kaatic

Liwiith aci tajirdëen thîn kor looi bi käɔn thuur ya yaac wei thîn thun thîn kor. Ku bi jɔk/gɔl bi käk thuur yɔɔc, käk cuth thuur ku jal aakök la tuen.

Liwiith acin wëu cï tɔɔu ë kanhdëen wëu (kuredit kaat) yic bi yen yɔɔc kuatkë wic. Acï tim ku bot karou ladeen ë kuredit kaatde yic. Aye mony tak na yëc käkëen thuurkë keweï ëbën ke yen abi wëukë deen dhuök ciëen ëbën ë kuredit kanhde yic ku yök wëu kök thîn.

Ee thuukic Liwiith aci abëk käk thuur la yaac wei. Wëu cï yök thîn abuoat kadhorou ku thiër-rou doläär. Acï Liwiith njic lɔn wëukë aci juëc ku bik wëu wär cï deen dhuök ciëen ë kuredit kaatic.

Wërdët kënë mënh Liwiith cöl Rion aci bën baai. Rion aci Liwiith thiëc cï thuuk la yiëndi. Acï Liwiith teetic këcïn wëu juëc cï yök ku bi wëu cï deen dhuök ciëen ë kuredit kaat.

Acï Rion lëk Liwiith dhöl pieth ë ku ba känyduɔɔn looi ya tek yiic piny. Aye Rion lueel kënë abi Liwiith kony bi njic yedi ke tɔ ku ye wëu kadï kek bi dhuök ciëen. Kënë abi Liwiith njic ë kaam yiëndi yen bi nyaaï bi käny kënë jal thök.

Rion aci wëu ye Liwiith yök thuuk gät piny. Ku yen Rion aci kuat këwic Liwiith bi kek cɔɔl ciëen gät piny met thîn käk thuur, käk wëc thuur, wëukëen ariöp thuukic ku wëu kɔɔn ye tääu piny pei thok alɔɔ kuredit kaat yic kɔɔny yen.

Ëmen Liwiith aci jɔ da riel. Anjic ye wëu kadï ke lëu bi kek ya tääu piny ë pei thok ëbën alɔɔ kuredit kaatic kɔɔny yen. Acï Liwiith looi ë pëi kadïak yiic, ka kënydëen kënë abi thök.

This page has been intentionally left blank.